

eam, si accuratè & propriè loqui velimus: Ultimus enim actus specificat. Iam vero Theologia Christiana in hac vita (quam hic definitum & explicatūmus) est practica, quia omnis ejus cognitio, & omne *γῶσις* ex se & per se ad praxin ordinatur, & à cognitione incipiendo in praxi desinit, praxi scil. respicientiæ, fidei, spei, caritatis, consolationis in vita & in morte. Hinc dicitur veritas & doctrina secundum pietatem 1. Timoth. 6. Tit. 1. Posset etiam addi, eam methodo analyticâ tractari: quod est proprium scientiæ practicæ. Et sic judiciosè & doctè nostra Catechesis: quidquid Remonstrantes ex genio Theologiæ suæ, & ex contentione contra Catechesin nostram, ordinem hunc in suâ Catechesi invertant; fere eadem dexteritate, qua Piccolomineus ex contentione contra Zabarellam, suum in Gymnasio Patavino collegam, Ethicam suam ordine synthetico conscripsit, media præmittendo, & finem ad finem (lib. scil. 10. & ultimum) relegando. Sed hæc cum *ἀκριβείας ἐνεκα* pro meo judicio liberè communico, nolim quidquam detrahère summis Theologis Fr. Junio, & Fr. Gomaro, qui cum Scolasticis hic sentiunt; & quorum posterior à Remonstrantibus eo nomine, sed immeritò, vapulat. Illi enim Theologiam definiunt & considerant & hujus & futuræ vitæ tanquam unam copulativam, nos autem cum Catechesi nostrâ respicimus solum theologiam viatorum.

§ 3. Atq; hæc problemata de definito, & genere. Sequuntur de differentia, quæ ex notionibus subjecti, objecti, efficiētis seu principii, & finis desumitur.

VIII. Probl. An Theologiæ Christianæ *subjectum* quod seu adequatū sit solus electus & regeneratus? Resp.

B

Neg.